

興國縣志卷之三十一

仙釋



涓子齊人好餌朮接食其精至三百年乃見於齊釣於荷澤得鯉魚腹中有符隱於岩山能致風雨受伯陽九仙法至平固縣山中扣石忽開中有宮室額曰輪寥之館有石笥發之得秘書十二卷讀之欣然遂著天人經四十八篇名其山曰覆笥山

劉向列仙傳陳芬芸窓私志

葛洪字稚川丹陽句容人究覽典籍尤好神仙導引之法嘗過平固境見山水靈秀結廬其地鑿池洗藥留詩曰陰洞泠泠風珮清清仙居永劫花木長榮洗藥池在

興國縣志

卷二十九

仙釋

興國縣今治平觀卽其地

焦氏類林

蒲衣道者一曰方邱生蚤遊臨川吳文正公澄之門旣而師事李西來於武夷學全真之學去而浮遊江湖自贛之興國陳令文彬與語大奇之一日由南郭登金雞冠嶺眺望其下有鍾氏廢圃曰長春者歎曰瓢笠之緣其在矣鍾氏卽以其地施之文彬爲營室榜曰長春道院年八九十顏若兒童

劉槎翁集

任城世傳得仙道居任山山在興國太平鄉

志林

秦娥孝女也舊傳唐時隨父來自楚住白雲峯得道能興雲雨里人立祠祀之每三四年雷必一發其處後人

名其山曰秦娥山叅蔡志孔志

僧文爾福州長溪李氏子紹興初至潭州叅同菴妙喜果公為侍者妙喜與無垢居士張九成遊亟稱爾於無垢曰是人所得端實不可忽也久之自吉水徙興國之梵山抱膝危坐每五更聞鐘聲輒駭汗曰又過一日矣周益公必大僑贛識之問其悟入之由爾曰我年十一辭親出家十七受戒遍遊諸方惟茲事未竟忘寢與食勤苦垂老鈍不見性若問悟入實無以對益公歎曰近世升座秉拂號天人師自謂不能千百無一師非得道肯云爾耶後任贛之報恩刹移寧都慶雲以老周益公集

興國縣志 卷二十九 仙釋 二

鐵船宋時僧也居廬山之鐵船峯因以自號至興國坐禪於觀音巖下即其地卜居營道場焉寺成榜曰靈山寺使其徒悟能主之乃歸廬山後不知所終唐文鳳撰重建靈山寺記稱鐵船為開山之始云袁志廬山志

廬禪金斗山有盧禪巖相傳盧禪師學佛蛻跡於此洞壁上石鐫盧師坐禪像尚存邑令盧公嘗遊此題詩徬徨不能去自以姓與禪合更號冠巖叅蔡志林

僧無邊居慈祐院當元明之交與秦和劉崧遊崧為無邊說贈之林

僧天憇住寶福寺寺在獅子坳為僻地茅蒿塞路始為

虎所據慙至此而闢之虎遂遁去聚徒說法著有語錄
邑令張尙瑗常選清淨之處而禮之孔志

僧實選住靈山善鼓琴能詩邑令張尙瑗遊靈山與之
談咏甚歡暢孔志

僧普誠號自清邑蕭氏子幼不茹葷酒以多病出家居
迎仙菴工詩著有菊水軒詩草邑令張尙瑗引為方外
交嘗跋其山居八詠云此禪門所謂披智鎧執義鋒龍
象蹴蹋大力堪負荷者予為之避舍其推重如此王宗
伯思軾延至京邸公卿多以禮下之後返故菴恪守清
規以終孔志

興國縣志

卷二十九

仙釋

三

僧德光住西山菩提菴修行樂施建茶亭贍茶造石橋

二孔志

僧雪嶠住歸宗菴性潔靜喜文士聽人講孝經論語諸
書欣然慕之孔志

按蔡志仙釋載葛稚川盧禪秦娥三人黃志附見山

川志中不另立仙釋名目志林廣搜博採以見諸載
籍者為據孔志兼採緇流之足錄者五人今但錄舊
志無所續增蓋方外之士必於彼教真實有得非小
乘旁門然後可登諸志乘次則如志林所云山水遊
蹤文儒筆墨所偶及者抑亦不妨附見若錄取過濫

則彼教中之高識遠見者反以爲陋矣是豈足以傳
後哉

夏侯仰梅字昭恭道號敬一興國牛嶺人明嘉靖間道
士垂釣分水龍潭遇神印其掌並授以訣能舉掌發雷
嘗進香崇仁華蓋山眾擁不得前見所塑靈官接其文
疏皆大駭自是朝華蓋者讓興國先焉臨終撫胸運痰
命其徒口受徒不應忽化紅光焚所居堵牆嘆曰吾道
不傳命也端坐而化祀像九龍山邑稱夏雷公迎其像

禱雨輒應

據郡志
新增